



## CUIRA

### Comander rinforza interess per baselgia reformada

La baselgia Comander a Cuira finescha l'onn giubilar 500 onns reformatur Comander cun ina illuminaziun da la baselgia da s. Martin, la glisch da pasch per il Proxim Orient e cun blers auters arranschaments.

L'istorgia da Cuira è colliada stretgmain cun la reformaziun a Cuira ed en il chantun che ha entschet avant 500 onns cun il reformatur Johannes Comander. *Curdin Mark*, il president da la baselgia reformada da Cuira fa ina bilantscha positiva da las activitads stadas e prevesidas per questa chaschun. L'onn giubilar haja laschè crescher l'interess per la baselgia reformada da Cuira. Dapli commemoras e commembers n'haja la baselgia reformada da Cuira dentant betg pudì constatar. Quai scriva la baselgia en ina communicaziun.

*Robert Naefgen*, il plevon da la baselgia s. Martin sa legra da l'illuminaziun da sia baselgia che cuzza l'entir mais da december. La saira vegn mintgamai era preschentà maletgs istorics da la baselgia e da la citad che la gronda part da la populaziun da Cuira n'ha probablmain anc mai vesì da la baselgia e da la citad da Cuira. La glischa da pasch deditgada al Proxim Orient stat sut il motto: Parter glisch – esser glisch. Ella appellescha a tut las partidas da conflict sin quest mund da respectar la dignitad da l'uman ed ils dretgs dals pievels internaziunals da la Convenziun da Geneva.

L'advent porschia tranter bler auter er concerts sco chant en la cantoria da s. Martin, cults divins, gieus da Nadal u la tschaina da Nadal ils 24 da december. Finì vegn l'onn da giubileum Comander 2023 cun il servetsch divin festiv ils 31 da december a las 10.00 en la baselgia da s. Martin ensemen cun tut las otg personas parochialas, ils dus chors e la suprastanza da la baselgia reformada da Cuira. (cdm/fmr)